


黎城縣續志



黎城縣續志卷之三

藝文志

詩

黎城縣

洪洞王軒

衡漳下覃懷勢若輔車依殷社未遽屋端已碁戡黎
老成汲遠慮入告傷祖伊侈言天有命首懸太白旗
殷鑒良不遠國風變式微旄邱呼伯叔喪耳忘流離
哀哉熒澤戰何異殷喪師好鶴雖禍本寢薪得無危
域民資天險固圉慎地機石轉千仞山水決千仞溪
黎城縣續志卷之三詩

恤鄰豈相為實鞏邦家基虞號竟覆轍千載悲宮奇

喜雨亭 有序

邑令程大夏

嵐山為黎邑八景之一謂禱雨輒應余政暇
登臨竊計宜建一亭無何而邑苦旱步禱於
斯既而果雨民大悅因捐俸構數楹顏曰喜
雨亭率筆賦此詎日希蹤前哲聊以昭示來
茲云爾

化調玉燭治垂裳龍德正中時雨暘油雲四嶽封中
起寰海清晏如龍光拜命莅此甫三載洞察風氣亦



漸改無才敢言撫字勞沃野桑麻春富饒每於風和
景麗時題彼嵐山一登之回蹊谷狹多荒梗連峰盤
木小洞歇中有清流夏結冰春不溢兮冬不竭巋然
祠宇兩三間再拜龍宮勢烜赫有神危坐金碧輝肅
然起敬立巖側翹首山腰萬松攢蹙欲往躡屐難
遙指此中結亭宜賓僚載酒時躋攀後有好事登臨
者高吟谷響松風瀾遲遲未久蘊隆作哀鴻嗷嗷滿
郊郭司牧何人敢自寬赤日躬禱忘飢渴誠積或有
鬼神通前此赤旱轉穰豐中宵不寐深戚戚走告列

黎城縣續志

卷之三 詩

二

神叩龍宮屏翳修駕靈霽奔玉女披衣石燕翻阿誰
倒挽銀河瀉四山震盪林木喧無端風雨百靈集萬
壑爭流郊原溢民曰霑足我侯功誰敢貪天爲己力
意者山靈鑒此衷始願結亭萬木叢昔人亭成喜值
雨吾喜時雨亭鳩工置酒落落成高會詞客欣欣載
筆從吟罷掬泉淪香茗和風習習響高松還告我民
勤耕耨歲歲幽吹蜡賽通

王趙兩孺人節烈辭

邑人 申如岳

吾友李子曰弼公伶何孤苦誰與同爲子能孝爲孫

慈負米陳情恨無窮自言祖妣及母氏後先共把柏
舟矢潛德於今弗表揚爲人如子徒然耳因從吾黨
遍徵言擬佐董狐傳青史青史流傳節婦有如王如
趙堪不朽可憐王趙兩孺人誓死心同百鍊真王念
遺腹生一子撫之九歲偏苦辛趙生一子纔四歲不
念孤兒豈念身異哉此家婦與姑一死九年後矢志
爲存孤一死不旋踵慟哭以殉夫孤存良人嗣不缺
李氏只今繇瓜瓞殉夫大節後必昌一脉詩書遙相
接乃知天道福善人俾生孝慈酬苦節我家祖母新
黎城縣續志 卷之三 詩 三

與李兩世冰霜差堪比誰非仁人孝子心忍使懿行
湮沒已聊賦哀吟寫苦行情深忘却辭鄙俚持斯奉
勸閨中人自古綱常合如此

又

邑人 王發祥

捐軀守志皆千古較來畢竟死尤苦斷髮剔目可全
貞誰甘餓死入黃土異哉奇節傳繡屏兩代孤孀嘆
伶仃那知巾幗有男子凜凜志氣炳日星一則誓死
靡他志絕粒慟酒崩城淚一則侍母九年終從容不
食亦歸樾貞節耿耿萃一門總期不愧赴九原是婦

是姑良足法宜爾孝子與慈孫吾黎閭閻稱仙李忠
孝節烈亦罕比豈惟梓里景女宗仁見旌褒垂青史

黎城道中

介休 姑綸常

盤空入鳥路風雪慘征顏雲氣連前嶺河流繞斷山
鬢從新歲改雁及早春還小駐憐孤戍迢迢遠市闌

吾峪關

王軒

古戍卓危樓雄關据上游氣吞全趙暗高壓太行秋
西伯王基肇東陽霸業留蕭條餘鬪穴斷鏃澣寒流

自注王微階於
關下得古鏃

黎城縣續志 卷之三 詩

四

題建德令李翰苑詞盟精舍

忻州 張天斗

放眼邀晨爽茶簾傍曉開茅簷新雨後竹苑好風來
鳥語初喧樹蝸涎半入苔經幽童未掃花落幾成堆

遊白巖寺看重座牡丹

次李坦公
壁間韻

董鐸 邑侯

東郊看二麥乘興涉青巉洞古光浮石春歸翠滿巖
絕倫姚魏色逐隊鶯鷓嘯醉頌來牟句天香已染衫

黎城縣卽事三十首

邑令 陳金鑑

古國漳河北荒城潞水東縣門槐蔭綠市闌草紫紅

黎北多紅
草可染 廳宿兵曹鳥墻綠主簿蟲掃除親執帚

第問民風

撫袂廣泉挹先教市價平鬻收中子路

詩式微篇中露曾詩作中

路黎國地名

呼免首山庚與餓常為粥思鄉不為羹南邦

周急者十倍此問情

剜肉終非計休言佛性慈拈花空解笑積穀好防饑

開羅鄉中社陳倉道上祠長孫朱子法前事最堪師

黎邑社義十倉久廢余次第修補以備不時

夏旱虔誠禱恩膏頃刻間為霖三日雨流水百重灣

轉眼黃盈隴疑眸翠滿山神酬邀父老暫為一開顏

黎城縣續志

卷之三

詩五

養民誠不易強教更為難漢代興廉吏周家讀法官

梯袍憐贈范廩粟媿靡韓樂育人材事非同壁上觀

班荀聯英俊心蘭印宿儒語言清肩玉咳唾散成珠

才子高陽裔瀛洲立本圖有恆占麗澤並足練京都

成名由獻賦致用在通經拾芥衣行紫燃藜杖照青

雪窗分竹簡月旦聚莎廳匡鼎為都講泥中婢解聽

退省堂邊地多生杏與桃根移傷本性枝接怕徒勞

北向山排笏東流水繪袍天然饒勝賞俯仰足揮毫

精驅惟愛藥癖性只耽書麴蘖不嘗我匏笙非嗜芋

厚廉文未盡薄俸會猶餘因此興諸廢無煩役里閭
壇爲交神築城因備武修圍墻虹亘漢飛閣層虛樓
時有朱提賞從無哲澤謏年年風雨若下邑鞏金甌
壯丁時教戰吉亥歲催耕發海今澄鏡農田古寓兵
摩增臺壁壘水經注臺壘路子所築晉王載記慕并
容垂破西燕於此在黎邑東十五里并
習武軍城後魏志劉陔簡練收材技端由賞罰明余
有武軍城

月兩操民壯演陣法

黎民皆尚儉多有不知勤三伏鋤攜日千夫鍾卧雲

扈催蕙蔓草馬劈糞榆枌

黎俗迎神賽會一人袒裸執大刀狂呼亂舞在神前

黎城縣續志

卷之三 詩

六

開路名曰馬

性習相沿久幸余勸戒文

關險吾兒峪山深燕子窠

南鄉五美里地名

狼貪我伏莽狗

盜跡如麻我到除容小人來說夜叉多方擒醜類

首典刑加

淳樸黎人性奸回賈豎心瞞天呼竊寶掘地諱藏金

監守自爲盜追求無法尋市廛多鼠輩貓捕寫鳴琴

十九年邑東二十五里東陽關有太谷縣人趙姓匿

其東家寶銀三百兩呈報被竊余即履勘的實原贖即從店中起獲

辛苦錙銖利傾囊料賣鹽一斤砂舊拌四兩水新添

父老情甘淡兒童願食甜更欺人短稱官禁豈爲嚴
養苗宜防莠種樹貴芟藤農圃猶如此官師豈未能
門緣奴隸入堂假射鄉登非輩同魑魅常燃暗室燈
吏役宜安頓難禁衆口誆療饑分地種學字給書鈔
卯册從頭點申封着手包有時賓戲我不解子雲嘲
愛人如愛子求瘼甚求醫本俗先安富推誠始戒欺
莫教財力盡致嘆粟民移猛虎行曾讀沈吟各自知
更有貧悼者鄉居怕見官斷烟憐食併冒雪憫衣單
事或棒連及情當格外看從無非罪繫鼠雀亦騰歡

黎城縣續志

卷之三 詩

七

非敢言無訟年來訟漸稀垂簾知靜妙運甕免癡肥
茶飲清詩思香焚識化機仕優勤吾學何必羨朱緋
執針兼執斲官舍豈能無破緝風前幔歌更雨後櫺
棉裘寒製白茶椀暑添盧飽飯羸酬值頻年暫一呼
邑小閒無事官衙日漸長榆錢堆薛砌棘刺茁莓牆
鳥語枝頭喚蜂聲樹頂忙研朱讀周易民物想羲皇
節孝關名教權歸學校臣一雙舞萊子十九飲水人
暫振風前鐸齊褒日下綸國朝二百年來黎有孝子
二節烈婦女十九皆以貧
故久未請旌道光甲辰春余從茲多嚮善俗尚可還
奉檄兼學篆遂申請獲旨焉

醕

白骨銜狼犬奸民義塚侵厲壇雖敬祭漏澤必親臨
黃土培封力緇流講佛音指揮由令長何忍不經心
散步東門外高人防趙初前明宏治間隱士滄溪書院教導後進有道統堂
作堂名道統修業在阿居逝水滄溪列流風綺里墟
後先三百載莫睹舊藏書

孤城當孔道三面水環漳秋晚雙橋駕春深一葦杭
涉人俱寶筏行客渡慈航何必將輿濟徒勞不可方

山水尋箕穎黎北有箕山穎水休論是與非陂陀忘路遠洞

黎城縣續志 卷之三 詩

八

穴挹泉飛村樹懸瓠老河流飲犢肥幾多懷古事憑
弔對斜暉

萬株梨暈碧千樹柿垂紅秋色平林外詩情罨畫中
壓肩成野市拱手問村翁重疊山田穀今年歉與豐
徧歷招提境都無寶泰先碑墓晉刻字塔訪魏分年
梵刹金鋪地經幢石峙天即今半湮沒雲霧亦香烟
老病歌歸去驪駒已在門搬移徐稚榻收拾孔融樽
回念讀書處難忘秋樹根題名雙石碣附驥幸隨温

余卸事後創立黎城職官題名
駕鵞石温大真嶠居第一焉

如家作宦擁專城衰病言歸豈矯情民隱可曾知體恤
恤官卑從不解逢迎悅安強教都無術撫字催科兩未明
只有寸丹堪共喻蒼髯黃髮禮瀕行

西黃須水遶東城感謝臨歧父老情眾口同聲肝膽
瀝八年無事暑寒迎鞞留塵跡青鳥暗盞把晨光緣
蟻明但願歲豐人壽考含和吐氣杖鳩行

起舞聞雞夜出城多才名士更多情芳樽酒醴亭長
短祖帳衣冠路送迎柳眼桃顚春色麗雲蒸霞蔚曙

黎城縣續志

卷之三 詩

九

光明新詩先後紛投贈差喜中無猛虎行

路出黎侯古國城四鄉來送不勝情柳鶯似解陽關
疊竹馬都期再蒞迎太白杯浮方寸醉雄紅花發十
分明道旁寅錢殷勤止且立斯須不忍行

曾聞地有武軍城丁壯難忘訓練情我少鶴攜鶉鵲
笑人多蜡祭虎貓迎囑諄鄉老遵前約慰藉農夫受
厥明眷顧吾民言盡此扳轅如蟻不能行

王姓泥工舊築城侵晨送我亦深情若非幽藝良心
在豈肯前途稽首迎羽客洞天斟百末禪家淨域掃

三明吾儒僚友非方外竊悔年來請謁行

憶從沃國到黎城十載難忘餞別情龔勝題詩吳道

畫劉伶把酒呂仙迎雙肩親與洪崖拍萬目觀如象

罔明余於戊戌閏四月初六日去沃時龔大令偕吳呂二廣文及劉巡政洪少尉同諸紳父老賦詩

繪册餞送郊關略向諸君談往事不妨却謝醉歌行

道光二十七年歲在丁未三月初六日乙酉戊寅

余乞病回籍感荷諸君子東郊祖道雅意殷攀有

來自數十里以外者且皆未明振衣衝風冒霧自

問受祿八年政無一善而煩勞文從如此心何以

黎城縣續志 卷之三 詩

十

安然余居黎久接禮交道未嘗獲罪於諸君子則

此一餞也或一二人或三五人或八九人至數十

人皆諸君子以禮相報以道自處而非鄙意之所

料始願之所及也孟子有言每人而悅之日亦不

足矣為有司者安能人人悅我哉惟善者好不善

者惡如孔子與子貢論鄉人者於久任地方之官

亦猶是耳爰在塵埃中率成七律七章取易象七

日來復之數以明福地將重游云爾

抵黎城任書懷一律

邑令 葛士達

空自虛名曠絕倫十年猶是辛官身濫竽幕府籌無
補捧檄邊隅吏愧循百里河山形勝地萬家黎藿劫
餘民彈丸敢惜牛刀用願與窮簷共作新

巖城高據太行巔臺嶂危峯峻插天南下虎牢通豫
楚東盤鳥道扼齊燕鄰疆水旱方多故邊圉巡防敢
自便災後民窮財盡日聞雞午夜不成眠

馮將軍歌 有序

邑令 葛士達

按漢書馮奉世字子明上黨人戰國上黨太
守馮亭後以良家子選為郎時數使西域多

黎城縣續志 卷之三 詩

七

辱命前將軍韓增舉奉世以右將軍持節送
大宛諸國客至伊脩城莎車與傍國共殺漢
所置莎車王及漢使奉世發諸兵進討拔其
城斬莎車新王傳首詣京師諸部悉平威震
西域得名馬象龍而歸上悅議封蕭望之不
可乃以為光祿大夫水衡都尉攷黎志將軍
墓在縣東北五里戚里店黎故屬上黨將軍
蓋黎產也方今四域多故東西洋各國互市
據天下要津俄羅斯復狹焉圖逞北部 朝

廷以德羈縻遣使存撫冠蓋絡繹於道中樞
之議固以接兵息事爲旨世亦無奇材異能
之士披肝膽出死力爲 國家伸威德折奸
謀競以巽軟婉順幸保旦夕媮取功名爲能
事比聞法國又藉越南爲口實出不遜之語
要挾百端時局至是亦可慨已予輯黎城志
讀馮將軍傳略竊有感於私衷因賦七古一

章

漢皇西顧塵邊陲寤寐反側求奇材環視左右意落
黎城縣續志

卷之三 詩

十三

落黃口白面奚能爲前朝司馬班定遠勇略冠世今
其誰將軍慷慨請自効銜命護客極西馳男兒生不
得封侯死願馬革裹吾尸一麾使節渡沙漠玉關萬
里草葳蕤丹陽劍客從徒步壯士一去還何時行至
伊脩陣雲黑攻殺長吏達王師鼠子敢爾是可忍不
斬樓蘭禍必滋生久虎穴不再計丈夫磊落行便宜
將軍叱咤變天日帳卒矯健皆熊羆短刀決盡殷宋
血戰鼓迸裂翻黃埃臨陣手斫賢王首胡兒辟易胡
女啼請首震懼奉約束願貢青騾與赤騾還節頽首

請死罪帝曰咨爾大夫冒死伸天威荷利國家
可春秋之旨應剖圭功成已息者從中起首持異議
望之於戲望之負者猶如此英雄扼腕復何辭
生不識金華一掌往往疆誓烈士搜鱗被謠咏
臣首鼠工受命益庭唯諾幸自保坐獲邀金索地
窮期妄庸誤國千古恨世有頗牧亦奚施

曹莊龍王廟書感

邑人 靳榮藩

舊號曹王廟以祀操也前郡守巴縣李師校
部改今廟

黎城縣續志 卷之三 詩

三

鄴臺瓠觥已消沉尚有荒祠對碧岑
一自雲雷傳虎節纔教風雨出龍吟
豐年屢誌農夫喜肯消源無鬼
伯侵漳底餘魂栖不得好留直道炳人心
曹墓在漳水
乙卯之際土人截河毀
碎之見仇滄柱杜詩註

守官自合著風裁敢使曹操再出來
鄴令沉壘安有
甌梁公檄廟本無災
穰穰三峽緣他事
李公以他事見法或疑操

能為祟 龍出諸天阜
泉財底許鄰封祠
建德當年未
遇使君摧

和靳介人先生曹莊龍王廟書感原韻

邑人 王發越

荒祠落日影沉沉漫把新苔認舊岑碧瓦仍銷銅雀

夢綠溪妙補水龍吟雞豚濫受齊民享獬豸難防長

吏儂一代奸雄空自負裂冠毀冕見詎能禁原韻結句押禁字今

本從政

誰將雅事入詩裁太守風威筆下來既有神龍同蜡

饗應無旱魃作民灾存祠難掩千年臭易像何傷百

姓財壁上佳章須愛惜免教殿宇共殘摧

吳家話綠溪舊居

新榮藩

黎城縣志 卷之三 詩

溪水澄江綠一灣村居不用屋多間千章楊柳青週

合兩岸孤蒲碧轉圓自有佳名留北郭邑無北關而此地為北關

里豈無爽氣對西山年來頗怪移文少進客何時暫

往還

洪井山莊歸途口占 在黎城西北二十五里 前八

行行且止馬偏工小雨微黏柳葉風透指維南山一

碧不知身在碧山中

嵐山 在黎城西二十五里 前八

謾謾野風多涓涓石湍瀉石上老農眠將無有道者

漳上感舊

前人

漳河逝水依然在東注還疑入渺茫古渡煙寒沙漠
漠垂鞭負手立斜陽

擊壤歌

邑人王煥辰

朝耕原上田暮耕原下田原田何明明春草發青烟
烟水浩浩蒲田溝俯清波兮飲耕牛牛兮見客忽屏
息吾君微行訪巢由巢由高卧不肯至天下皆知求
賢意十六才子一時升四門穆穆無廢事轍我田間
耒進我隴頭膳今朝鳳鳥鳴昨夜彗星見黃河千年
黎城縣續志卷之三詩十五
始一清寰海萬里波忽晏但得河海長如斯吾儕何
惜世貧賤

同生曲

前人

同生曲裏同離毛同屬人生最難得者兄弟昔賢以
爲卽手足禮孝爭死賊爲驚姜氏諸郎同被宿同生
曲少小同形音既長同一心願爲鴛鴦爲鸞那識參與
辰翁爲匹夫兄天子一貴一賤猶嫌始漢文不惜淮
南才縱之驕淫幸其死蜀道一往無歸魂長信涕淚
憑誰止甄后新副魏王車已忘棄骨肉親外家陳思清

才不名用西園賓從賞春華同生曲何悽悽恆山四
裔分道飛田氏三荆一夕焦粟布豆萁留遺憾同生
兄弟隔雲霄

喜雨歌

邑人楊汝舟

黎陽由來木瘠土兩歲荒歉民無補長安米貴市兒
驕物價不等任意值丈夫飢走婦嘆室珠玉自持換
阿堵十家八九如懸磬嗟哉小民多辛苦幸到今年
春纔足社公雨燕麥含新膏擢秀花如吐忽然野馬
動地舞封家姨子盡日怒風號不息三壤乾愁殺老
黎城縣續志卷之三 詩 十六

農與老圃豈知天心仁愛自有主賜之甘霖霖霖如
散纓夜半不遣阿香知酒徧桑田與花塢居人不眠
夢裏聽枕上驚醒頌天祐

石羊墳弔古

前人

黎陽城北石羊墳古蹟猶堪說將軍戚里新崇神廟
貌莎車舊勒戰功勳疎風冷雨悲芳草斷碣殘碑弔
夕曛最恨鄉人開墾久年年野火付牛羣

遊廣志山二首

邑人李灝

生寄黎陽四十年始來西北訪林泉羊腸繞處疑無

路蠟屐踏開別有天潭水一條織似髮屏峰幾疊小
於拳任他山下風雷作不碍晴光頂上圓

每欲攜朋瑤島巔周圍一覽遍三千果然聯袂來雲
外不羨乘槎到日邊目小乾坤何異佛手揮星斗已
成仙歸途還與銀蟾接帶得天香下暮烟

呈濟川先生

有序

邑人王元晉

濟翁夫子邑名士也自少年試輒冠軍每出
一藝諸老宿傳觀之輒以翰苑才期許今老
矣詩文哀然成集囑他年音如筮仕代爲付

黎城縣續志

卷之三

詩

七

梓因成一律即求 郢政

襟懷灑落喜吟謳兩夕燈窗一卷留織錦仙才雲五
色梨花妙舌筆千秋徐陵詞賦誰青眼庾信江關已
白頭愧我俸錢猶未蓄何年梨棗爲君謀

賦

白巖寺牡丹賦 有序

靳榮藩

牡丹花之富貴者也黎西北十里許有白巖
 山山有寺寺有牡丹相傳數百年物移之弗
 活明潘藩徙封潞強移於邯闕數載寺僧夢
 一達官紫袍黃蓋至花原所詰曰花再茁而
 潘郎之花稿矣是富貴而君子者乎感宋廣
 平貞心不改之義乃為賦曰

若乃三春欲去首夏未來小園花事國色初開方且

黎城縣續志

卷之三

賦

六

延知契坐薛茗誦謫仙之三調醉夢得之一杯憐鼠
 姑之絕豔賞鹿韭之新胎客曰此花盛矣未若白巖
 寺之異也夫其種異姚黃形殊左紫匪檀丹州匪來
 洛市花藏葉裏似聽法以點頭葉出花梢疑參禪而
 伸指接樓頭之芳樹不數張家現盆內之金書休誇
 湘子昔有明之大封建也濔濔貴胄開邯潞陽葡萄
 為苑橘柚為莊玉盤芍藥金屋海棠太谷之梨可掇
 小山之桂于將既旁搜乎羣豔欲觀止於花王於是
 漳水如環嬰城如斗達彼王宮得未曾有紅非蜀葵

何來向日之心紺比華蓮惟少如船之藕王乃勃然
咨嗟徒倚頻首護以金鈴沃以玉酒慕疊羅紈欄雕
瓊玖四香初建依稀楊釗之家一捨乍開彷彿玉環
之手然是花也不爲勢迫不爲利牽無心出岫絕意
爭妍慮騰譏於猿鶴恐負諾於山川回眺烟雲似鸚
鵡懷鄉之日繫情家國擬銅人洒淚之年爾乃地迥
山空烟斜露重星貫如珠天圓似甕戴月兮言歸鄉
風兮誰送入夜則花魂一縷桐根之生死微茫凌晨
則花氣盈堦荆樹之枯榮伯仲王人駭愕越公之執

黎城縣續志

卷之三

賦

十九

掃霄迷釋子聚觀崔護之麗人徐動所自芬馥招提
皈依大家當佳日兮响輕車值良辰而聚飛鞚揮班
管以稱詩紀絳衣其入夢遠城市之踞呼謝狂且之
撫弄儼安土以能敦詎落節之足諷嗟乎槁移爲紕
質不堅也荃化爲茅道弗全也蟠根之核不可種近
於仙也白榆之陰不可移得於天也過潘王之故第
已頽垣與敗瓦昔貢頹其何多今採芳而實寡惟根
器之不遷乃歷年而常治聞君子之立身不輕投於
塵下如富貴之不淫亦何漸於儒雅余聆斯言肅然

起敬且往觀乎兼以自鏡

嵐松賦

前人

後樂主人朝挹西爽蒼翠滴空蔚藍盈掌乃進兒輩
而詔之曰彼所謂嵐山者也夫其礪劍峯崒緯曲嶺
吮鳳凰前驅而截業九龍拱峙而紆盤晴天而陰崖
作雨暑月而絕頂生寒谿谿怪石側出交攢風雷發
作半嶺之間山腰之膚雲未滿大地之駭浪爭濺洵
一方之巨鎮可捧日而擎天山上出泉是曰龍井不
事銀床何煩素綆初滴曉巖漸過脩嶺沁石骨以添

黎城縣續志

卷之三

賦

二十

涼穿雲根而倍冷搜之不濁徐牽翠帶之風進而盈
科倒印玉屏之影動川上之殷懷發濠間之深省斯
水秀與山深當冥搜而徐領也然而關稱楊葉源重
桃花嶺綠葱著山以蒜嘉梅落則孤山失色竹盡則
湘水非華假無龍鱗之樹則徂徠曷嘗藉之虎骨之
材則岱畎何誇爰有長松紛孳山麓鐵幹高峯鱗皮
斑簇晉客虬髯媿皇蛇腹杖夜巖巖元禮謾謾或歇
懸崖或蟠深谷或欹澗而紆迴或排空而伸縮或孑
立而孤清或交柯而互複或如張丞相之肥或類毛

中書之禿號風則怒濤萬頃合天籟地籟以皆吹溜
雨則驚瀑千層渾大珠小珠於一族月出而陰影交
重霧湧而危梢猶蠹三春茂洛女之華九秋充僮佺
之穀雨露潤而不見其多斧斤入而不見其蹙嗚彼
盤桓孤樹稱栗里之先生陋夫種植四株矜草堂之
舊築是以烏巾之客白足之僧呼勝侶召良朋看山
則藍輿徐度採藥則琥珀堪徵酌廉泉而覺爽對嘉
樹以舒膺昔余少年僦居於此茶竈筆床詠歌圖史
三十年來爲名所使陟彼西山徒勞仰止乃爲詩曰
黎城縣續志

卷之三 賦

三

好山青未了茂林翠欲流鐘聲吹不去宛轉浮林邱
拂石時坐此萬象若蜉蝣青猿漫獻誚吾亦記前游
瀟得趨庭復和而歌曰收山色兮來戶牖多佳日兮
宜飲酒如松之茂兮如山之壽

賞花賦

前人

北方村在黎城北一里許有桃李果園之勝
予每以花時遊其間泉流活活鳥鳴嚶嚶柳
絲花片俯仰如編甲申四月之初攜一僕以
往梨李數株綠已成陰桃英飄墜散綴于菜

花韭葉之間而已二僕不憚旣而小憇野廟
見有牡丹數本爛熳階砌蓋其地向暖花視
同邑爲早予謂二僕茲遊不良快乎爾之不
憚者妄也乃爲賦曰

當首夏之初臨遡北方而心寫乘欸段以遨遊遂俯
仰于郊野何落英之繽紛忽散漫于樹下見綠暗與
紅稀悵水流而花謝穠李收芬天桃失冶杏閣已非
梨粧盡卸二僕不憚爰憇我馬于是緣陂陀陟崇岡
望野殿憇僧房塵封古瓦雨剝紅牆萊蕪欲滿苔蘚
藜城縣續志 卷之二 賦 三

相望諒不足以遊目聊偃坐以攘袂爰有名花茂于
階砌國色無雙天香誰儷僮子欣然驚視疑睇謂春
色之方闌值繁花其失麗矣貴客之先開乃胡天而
胡帝似洛陽之園中似永嘉之水際似供奉之所咏
似思公之所藝幸今日之能來尚不嘆乎濡滯予曰
爾何見之淺也萃于廟而以爲早卽緣溪行而惜其
晚也夫天運之流行本無心以相付何一日而殊觀
若遲速之異路固所遇之不齊亦人心之多驚彼赫
赫之陽曦原不改乎此度隨吾意以推移恐歲和之

欲訴令前日其能來知羣花之滿樹此一捻之胭脂
當含苞而未吐夫失意之所遭卽決心之所寓思迷
得之相因亦何欣而何怒惟大塊之文章無一時而
不具能意必之皆忘乃日涉以成趣僮子莫對絜馬
而前惟溪聲與樹色若與予乎周旋

傳

申嵩生先生傳

靳榮藩

嵩生名如岳黎城之仁庄人歲貢文謨子丰容秀碩
瞳神點漆工時文善詞賦兼嫻楷法見者以爲神仙
中人也年十八儼郡庠與長治魏玠俱知名每膺科
歲試日未亨午兩人首納卷而先期折柬召他庠之
未與試者以其日譙耶舍止案發輒各冠其庠以爲
常嘗因省試對策舉出闈沽酒登震遠樓獨酌賦詩
時八月望夜也月湧長空天澄如水汾水西山若隱

黎城縣續志

卷之三

傳

五

若見遙望貢院燈火滿號舍方憑欄吟嘯而玠忽攜
酒繼至因相與唱和極歡遠曙意氣橫厲謂科第不
足言也然玠終副榜貢生而嵩生亦數不遇康熙戊
寅學使賽公璋拔之貢太學而尤以上黨形勢賦銅
鞮宮懷古詩見知於監司高公啟桂於是邑令董侯
田侯潞城令吳侯相繼延請入署課其子弟而任縣
劉公滋以僉事視晉學聘勸試事契分尤深於是潞
之人碑版屏帳或遺嵩生以爲榮嵩生亦悉應之無
所靳酒筵歌席筆墨橫飛人人得其意以去或率率

應酬嵩生不甚措意而藏弄者如拱壁至或盜襲名字不盡出嵩生手而觀者輒然亦不敢有異議也雍正九年以久次得夏縣教諭丁母憂未之任又十餘年補崞縣教諭閱兩年遂歸家益落蓋其中歲嘗著招窮賦以自壯至是因益甚所與角逐文場如玠等悉前亡遂倦於遊一爲童子師旋謝去足跡不入城市年逾八十尚能作蠅頭細楷及擘窠大字賣文以自給然其時黎之風尚已大變逐什一權子母諸以纖齋起家者不復知文章之可貴甚至以嵩生之能黎城縣續志

卷之三 傳

三五

文而窘搖手相戒其黠者或攫取其翰墨以去蓋賣賦之金實寡矣又五年而嵩生卒論曰自余見於嵩生嵩生且七十矣目光炯炯飄然有凌雲之氣所製五言律詩多可誦云與嵩生同時者脩武人陳政字在衡久居於黎雅善書畫其名與壽俱不及嵩生而窘更甚予因嵩生而牽連書之俾黎之志文苑者徵焉

王子莊先生傳

前 人

自司馬子長傳循吏後史家因之然在官而校其聲

者不如歸里而稱其囊橐故有始終自好可久於
士傳者斯稱爲循吏而無愧已吾於鄉先生得一人
焉曰王子莊

王子莊號松軒黎城東關人思貢聯芳子世以儒業
顯然故貧士也十三歲入縣學刻意工舉子業家臨
孔道每四更則鈴鐸絡繹而子莊誦聲琅琅若出金
石燈火青熒在松簷茆屋間或達旦未寢販夫估客
以及執鞭之士數過其地者輒指而目之曰此王氏
讀書廬也十七歲爲副榜貢生二十六歲舉於鄉雍
黎城縣續志 卷之三 傳 三六

正十一年成進士先後授徒往來潞澤間不爲謙從
輿馬之飾鄉居恂恂令尉罕識其面儼巧少年望門
自遠甚或謂其迂且冷子莊曰吾故貧士也力行之
不爲動乾隆四年春令江西之靖安縣廉勤有實政
嘗語弟巖曰官之貪如女之淫豈可復爲人乎吾輩
在仕路中但齧定牙關立定脚跟目無大禍福他日
爲我作行狀毋飾虛詞止云有所懼而不敢爲耳巖
亦孤峭士綜核內外實贊成之稱其志焉八年春米
翔貴時陳文恭公榕門撫豫章也首先所稱行平糶

法至五月倉告匱復請以所糶穀價分給貧民俾秋後以穀還倉文恭手批曰所籌甚善但秋後不盡還倉則令之責也謹爲之於是民感其誠至秋無後期者而靖安買補遂爲諸邑最先時田房契稅每有羨金至是而解司者增六倍吏胥咸誚其迂子莊曰吾故貧士非盜臣也力行之不爲改靖安人士既愛敬之矣釀金爲母夫人壽辭不可則環以請曰以是金修明倫堂及諸義學俾庠塾間永識盛德則可乎子莊領之復捐俸爲助而工乃大就至今稱焉九年秋黎城縣續志

卷之三 傳

二十七

以內憂歸賻贈無所受田廬無所增教授生徒自時文稿外著論語筆說易說求是書說求是詩說求是春秋說求是禮記節移集古留眼等若干卷爲貧士如故家居二十餘年而卒贊曰巖字傳野與予同舉會試後以言事戍湖南數言其兄非獨吏績茂也孝友慈讓內行皆可稱云予於靖安爲後進嘗見其著書盈案子弟承師視席間惟謹知傳野之言良信而獨紀其貧以告世之欲爲循吏者

高擢廷先生傳

前 人

高孝廉獻字擢廷號文山黎城之內華人廩生奎雲子生四歲而孤弟岱方在襁褓母王誨以義方俱爲知名士高氏故巨族孝廉年二十肩家政堂構畢新增甯宇焉又三年呈母王之節行請旌於

朝又二年選拔貢太學又四年以觀風卷受知於溫方伯而遜其明年膺博學鴻詞科晉省之予薦者五人孝廉其一焉方是時孝廉以詩賦今古文友天下之士予方羈尹由世講媼戚隨先君子後羅酒漿侍

黎城縣續志

卷之三

傳

天

庭除見其儀觀偉然從車騎甚都則以爲神仙中人輦下鉅公重其文行多欲羅而致之以備山公啟事而孝廉雅自矜持不欲以竿牘希進泊然有以自守雖不遇無悔也乾隆十二年秋舉於鄉主試者爲鴻博諸編修錦甚奇孝廉卷又十二年遭同懷之喪不復應會試蓋孝廉天倫最篤與弟友愛最深雖以弟爲世父嗣而晨夕必借乾隆十五年孝廉病幾殆弟爲之目不交睫弟歿後孝廉亦絕意於名場也舉唐風職思其居職思其外之義課子若姪而於同堂發

孤矜禮繼絕人推爲鄉祭酒又十一年卒於家
贊曰毛大可奇齡以博學鴻詞爲制科蓋重之也晉
晉之與大可同舉者畢亮四振姬馮訥生雲驤吳蓮
洋雲皆試而不遇若傅青主山范彪西部鼎則薦而
未試是數君子之集俱在視同時入選五十人之集
固難定其軒輊也吾因次孝廉之傳而并有感於成
午已未間者

黎城李氏兩節婦傳

前人

黎城監生李唐嶠之妻趙氏儒家女也年二十九歲
黎城縣續志

卷之三

傳

而寡且無子教嗣子仿徐入縣學內言不出外言不
入閤五十載若不知有慶弔事壽逾耄臺而門戶嚴
肅戚里賢之

秦氏者仿徐之妻也亦儒家女于歸時年十八曰娶
姑在堂吾忍作新婦樣乎即去盛飾躬親操作闕八
歲而仿徐亡日與姑相對而泣復慰姑曰婦在猶子
在也未幾而一子一女殤姑哭之慟氏從旁飲泣謂
戚嫗之弔者曰姑老而傷心吾若過悲是益姑之慟
也惟有隱痛而已自是不復歸寧亦不過嫗戚之家

教嗣子汝強就傅於外其於傭作者闔門言咎食器
楛棹必委於地爲取予未嘗自授受也遇饑歲至拾
院內樹葉爲炊先以熟軟者奉姑次以飼其子而自
咽者糠覈耳戚里敬其節孝

贊曰吾讀李祭酒潞安府志於吳氏之不旌祭酒蓋
爲之太息也然吳氏已載明史列女傳此與表間之
典何以異故於兩節婦之事次之以爲傳

碑記

邑令陳公遺愛碑

邑人 王錫晉

今夫政令民畏易令民愛難欲令民愛必在我實有
可以令民愛者而民始愛之邑侯陳子良父台自蒞
任以來如救災賑荒育嬰教織慎防堵恤孤寡巡視
田野以勸農夫加增膏火以恤寒士兵差過境則下
民不擾帶勇防河則上憲不疑其善政之在人耳目
者幾述不勝述焉

襄垣知縣建脩龍洞行宮碑記

陳宗海襄垣縣令

黎城縣續志

卷之三

碑記

三

溯查襄垣縣志載康惠昭澤王唐懿宗時人也咸通
九年戊子歲七月初五日生於長樂鄉焦姓出家得
道能禦灾捍患為潞澤遠降妖祈雨上黨太守以其
事上聞封雲雨將軍後脫蛻仙升及五代唐清泰二
年草寇嘯聚官兵不能禦突於武鄉縣王修真洞中
遍起紅雲聞空中鐵騎聲石飛如雨賊皆打斃加封
靈侯五代晉開運二年各縣大旱凡詣洞求雨得雨
加封顯聖公迨宋宣和元年直隸濟南山西等省皆
大旱祈雨靈驗加封昭澤王元世祖南征渡海見王

陰爲之助特封海濱王明太祖定鼎改封海濱焦龍
神而實則昭澤王海濱王也迨我

大清定鼎仍封其舊而各省百姓遇旱求雨靈應如響
宗海於同治元年六月杪履襄垣任適大旱禾苗枯

稿七月初二日在廟祈禱當日即沛甘霖轉歉爲豐
宗海稟請轉奏奉

旨封康惠昭澤王四年夏又亢旱宗海親擬告文令北

底村耆老赴王脩真洞口焚化求雨宗海柳冠布履

出城二十里跪迎懇禱六月初三日自午至酉炎天

黎城縣續志 卷之三 碑記

赤日中步行四時烈日炎蒸心神如醉迷悶之間宗

海親見王坐轎於雨樓前長面長鬚威嚴端肅斯時

迷而不知爲王也蒙王佑初五日大雨如注閭境霑

足同治六年丁卯適值王千歲壽辰五月丙又大旱

宗海於二十六日親詣王修真洞口跪求回襄六月

初二日得有透雨秋禾始能播種貧民方得重生嗚

呼王之惠養貧民千有餘歲如泰岱華嶽之高大江

黃河之深矣宗海履任七年三禱三應倡募閭縣捐

貲建廟於洞旁一以表王功德及民歷代加封二以

慰各省紳民景仰虔誠三以備祈雨者棲止其所惟
地僻而無村社山水時發既無經管之人又少修葺
之費伏冀各省各縣樂善官民祈雨到此稍有石場
臺裂傾漏朽圯許願重修則斯廟無倒塌之期王之
德惠遠近昭著而祈雨者亦永有棲止之所不可思
議不可稱量無邊功德是所望於後之好善人焉是
所望於後之樂善人焉故爲記

重修城隍廟碑記

邑人高桐

蓋聞鬼神之福善禍淫與朝廷之彰善癉惡幽明雖
黎城縣續志 卷之三 碑記 三

殊而其理則無異也顧作僞之徒往往巧避法網以
文其奸而售其欺而鬼神之譴責於冥冥之中者必
無可倖免之方書曰作善降之百祥作不善降之百
殃此聖人所出以神道設教也邑之廟祀城隍由來
久矣凡茲土者其孰善孰惡惟城隍實鑒察之乃自
粵匪猖狂猝焚燬火正殿及東西四十餘楹悉爲灰
燼此則劫數之適然者也前署縣陸公初爲修葺率
作募善倡捐各紳士亦俱仰答神庥助襄盛舉其後
吳明府繼之大興土木自廟堂以至戲樓凡昔之牆

傾屋頽者莫不煥然一新是役也其費甚鉅除陸吳
兩大尹捐廉外各鄉鎮俱有布施而董其事者則吏
員韓全輔貢生王越太學生李思恭李從善李世貞
靳竹青等同心共濟以成厥功由是輪奐如故氣象
改觀里社之聚會恆於斯鄉村之祈禱恆於斯而城
隍聰明正直則惟視其人之善惡而降之禍福無偏
愛也無偏惡也凡入廟思敬者遂莫不各有一城隍
尊神在其心目中焉傳曰使天下之人齋明盛服以
承祭祀洋洋乎如在其上如在其左右是孰使之然
黎城縣續志

卷之三 碑記

三

哉蓋必有其故已爰拜手稽首而謹爲之銘曰
於惟聖皇臣伏遐荒懷柔百神祀典孔彰保障花縣
敕封城隍旒旄覺世降災降祥無端小醜敢肆跳梁
狂奔豕突厥勢鳴張由豫入晉窺至黎陽猝遭烽火
萬瓦灰揚王師既臨遂斂櫓槍四境無虞人慶金穰
乃興土木重建廟堂翠飛鳥韋紺字生光貌像既嚴
享祀芬芳佑我黎民錫福無疆

嵐山龍神廟祈雨紀

邑令葛士達子材

天地之大神奇變化陰陽舒慘災祥禍福之故法重

倚伏慄恍無端似若莫之爲而爲莫之致而致者而
冥莫之中要莫不有物以主宰之維持之術家穿鑿
附會創爲符籙驚駭世俗固失之誣而世儒拘於經
而不知變以爲氣數之適然一切聽之於天是皆未
知天地之體用也孔子曰鬼神之爲德其盛矣乎蒼
然茫然天地之體無所爲無可見也而天地之用實
寓諸鬼神體物不遺如在其上如在其左右所以威
懾萬物使千古賢奸愚智惕然心目不敢逞私爲非
且以呵護兩大榛狃之族亭毒生成俾無缺憾其德

黎城縣續志

卷之三

碑記

三五

之所及可勝道耶禮水旱不時百官有司奔走禱告
於山川之神而神之能捍災禦患有功德於民者禮
則祀之是豈故爲神道設教以愚惑黔首而已哉蓋
其理有必然者正使禱之有應有不應亦惟其心之
誠與不誠而非神之或爽或昧也光緒九年癸未夏
六月予奉 大府命調任黎陽莅官之逾月浹旬不
雨秋禾離離華零秀茹勢將就槁晉省當游饑而後
小民流亡疋羸未起若再無爲其何以堪予自維德
薄行鮮奉職無狀災及窮簷旣憂且慙爰自爲文禱

於城隍神並詢諸邑人士地之西二十里有嵐山龍
神廟素著靈應詣山乞水雲雨隨之沾溉黎民者匪
伊今始予遂齋戒精潔於七月二十日辰往出城行
十餘里望見蒼松鬱然一碧數里蜿蜒起伏虎踞龍
蟠者與人指爲嵐山也又行二三里曲折入山磴道
崎側人蹤絕少雜花野草鋪石如繡氣味撲鼻如百
藥香疑非人世境廟在山坳絕壁下金碧輝煌莊嚴
妙麗廟後有泉自石罅中噴出清澈豪髮流而成池
不盈不竭卽向之禱雨乞水處予聞夫名山奧區神

黎城縣續志

卷之三

碑記

五

靈是宅殆是之謂乎然猶未之奇也是日天氣酷熱
陟嶺越澗行二十里從人咸汗流雨下當其拾級入
廟赤日燒空樹影亭午仰望卯色如淨無纖介翳予
坐廡下少憩盥洗更衣捧香歷階方申祝辭忽有風
自空灑然而來被麗披離瑟瑟繞殿有似羽葆騶從
之音清涼沁骨神志一爽僕從莫不稱快叩祝既畢
登山取水遙見山後白雲如蓋搖曳中天所謂風車
雲馬者非耶神殆鑒予之微誠而惠然來臨耶奉水
下山陰雲合散風聲颯颯隨興而行醜釀終日至二

十一日亥刻大雨如注白旦徹晝歷十有五時而止
四郊霑足白叟黃童驩呼載道嗚呼以予之無狀一
念之誠爲民請命神應之不終日是可謂之氣數之
適然耶而鬼神之所以佐天地施功用者其德可勝
道耶歟邑志昔嵐山有虎害人有禪師者駐錫山麓
虎伏而馴渴呼飲泉從石罅湧出此水之所由來也
涓滴之流亘古不斷迄今已數百年猶賴以沾潤一
邑嗚呼神哉廟中一老農挈幼孩住持香火告予曰
此山荒寂近無居民當日之夕月之夜虎嘯狼嚎習
黎城縣續志

卷之三

碑記

三七

聞於耳異形怪狀之獸若牛而無角若人而毛身時
時出沒於廟之左右獨未一入廟亦不爲居人苦則
神之佑我邦人又不僅禱雨之奇驗已也予官斯土
躬觀其異不可無以傳之是爲紀

石刻在嵐山廟

墓誌

水齋李府君墓誌銘

靳榮藩

先生諱唐奕字禹甸一字崇山號水齋先世自隴西遷黎之長寧村曾祖贈奉直大夫諱養純祖天台縣知縣祀鄉賢諱占黃遷居於邑考選拔貢生諱濂藝林稱爲坦菴先生者也前母高孺人母常孺人自考妣以上其行實各詳邑志家乘中先生早慧十六歲爲諸生旋失怙佐兩兄偕季弟依據家禮無之有悔服闋始議婚前輩高公千仞以爲得玉潤焉其制舉

黎城縣續志

卷之三

墓誌

三六

藝數見重於學使而先生所雅好不在此甲子棘闈後與榆次王再來話別有句云君猶榮菽水我已絕爛斑遂不復應有司之試其意量可想見已篤於天倫雅不問家人產析箸時闔得新居而讓之同胞戚友鮮有知者其知者咸以爲難飲酒賦詩生平不以自多而以詩鳴以酒豪者每爲所困州閭之會號呼謹叟先生惟靜以鎮之時一吐詞則談言微中聞者皆爲解頤及與先贈公爲文酒之會觥籌竟日夜未嘗有醉容也榮藩自戊辰歲爲先生壻聆其緒論上

下古今浩無涯涘而於韓柳歐陽及明季古文大家
所得尤深故其金石文字傳誌碑版之作行所無事
皆能自闢蹊徑未嘗一襲陳言而先生亦喜爲之不
厭其他儷文填詞雖或爲人傳誦大都非所屑已已
卯冬以年例貢太學需次訓導又六年而先生病且
殆欲自爲誌不復能搦管旣而曰摺撫膚廓吾所素
厭若少此寒山一片石反覺壙中清醒其高致有如
此者昔人問袁侍中殷仲堪何如韓康伯曰門庭蕭
寂居然有名士風流殷不及韓吾於先生亦云子二
黎城縣續志

卷之三

墓誌

三

慶餘國子生慎餘女二其長者歸於我次適邑學生
高君炳謙

銘曰吾讀曝書亭集而見其爲婦翁馮君銘也其文
可以不朽先生之名德固不亞於馮君而吾於竹垞
則不足以相偶或因先生以傳吾文也龍齋之阡有
隧石焉其俱垂諸永久

誥封昭武都尉逢吉劉公墓誌 王錫晉

逢吉劉公之卒年維同治十二年四月二十一日踰
週年四月十三日公長子端率諸弟奉柩合厝於西

阡之祖塋納誌銘於壙封樹維謹而諸子猶惴惴有
疚心亟謀勸石墓表述先芬垂後禩彰前人嘉言懿
行不遠千里徵文於余余不敢以不文辭謹按公劉
姓諱道泰字逢吉先世隸遼州籍明季敕封涉縣左
副元帥諱震樂黎城偏城寨山水盤鬱營菟裘爲終
老計因家焉沒葬西阡即今之祖塋也厥後百餘年
間以耕讀綿其緒父亨衢公食廩餼績學不售公幼
失恃厚重寡言笑讀書過目成誦年十三亨衢公窘
於家計酒酣以往恆鬱鬱不樂公慨然曰生子不能

黎城縣續志

卷之三

墓誌

四

分父憂奚用子爲請於亨衢公代理家政亨衢公授
橐鑰俸綜紀踰年酌盈濟虛米鹽纖細悉井井有條
理而勵志勤學猶夙夜講誦不輟六十五歲丁父憂
哀毀骨立殯葬悉如禮公懼墜先業益勤儉刻苦家
日饒裕先世郭田百畝不二十年置膏腴壤畝萬計
其平居淡泊自奉而慷慨好施與出於天性鄉鄰有
急難匍匐相救同族無間親疎體恤備至置祭田三
百畝贍貧乏冠婚喪祭悉取資焉待以舉火者千百
餘指設義學延名師供膏火資謀族人誦讀冀就成

立其愿謹誠實者予以重資權子母人尤感戴焉公
壯年無子踰五十始舉長子端遞舉丈夫子七各因
文武才爲教訓次子榮四子霖七子鉞先後補文武
博士弟子員五子楫六子榕壬戌武試同舉於鄉乙
丑榕成進士授衛守備楫補差官以守備待銓兵部
長子端三子桂俱援例得官居家養親公以家政俾
長子端一承公旨寸縷半粟不敢私匿兄弟怡怡無
間言皆公訓也公援例授州同以子貴進秩昭武都
尉卒之歲春秋八十有一娶李恭人趙恭人李恭人
生子七人孫二十有三冢孫步瀛已補博士員敦厚
力學有祖父風

